

F.A.D.A. E realidad di “Molly”

Fundacion Anti Droga Aruba (FADA) a ripara cu den e ultimo temponan den cierto fiestanan y prensa local ta papia hopi di “Molly,” p’esey mes nos kier a trece un par di informacion tocante e realidad di “Molly”.

MDMA (3, 4 methylenedioxy-methamphetamine) ta un droga ilegal conoci popularmente como “Ecstasy” (pildo) of mas reciente “Molly” (“slang” pa e palabra molecule” cu ta referi na e forma puero of forma cristal di MDMA). E ta un droga sintetico y “psychoactive” y tin similitud tanto den estimulante como halu-

cinante. E ta produci sentimentonan di aumento di energia, euforia, calor emocional, empatia pa otro y ta perturba e percepcion di tempo & senti.

MDMA ta popular no solamente entre e hobennan di 12 pa 17 aña pero tambe entre e hende nan profesional di edad hoben. E ta manifesta su mes mas tanto den clubnan nocturno, “Electric Festivals” & “raves”. MDMA ta wordo uza den forma di capsula of tablet. E termino Molly ta referi den e forma di puero of cristal puro di MDMA. Generalmente e ta wordo bendi den forma di capsula.

Efectonan di e droga ta dura aproximadamente 3 pa 6 ora. Ta hopi comun entre e uzadonan cu nan ta tuma un di dos dosis di e droga manera e efectonan di e prome dosis cuminsa disminui. Tambe ta hopi comun pa uza e droga den combinacion cu otro droga manera: Alcohol, Cocaina, GHB, Ketamina, Metametamina & Viagra.

Pa motibo cu e ta un estimulante e ta aumenta e palpacion di e curason y tambe e presion di sanger. Uzadonan por experiencia tension muscular, djentenan ta klem riba otro, biramento di stoma, vision wazig, debilidad, calafriu, sodamento pisa, bo ta ex-

pone bo curpa na malesanan transmiti sexualmente dor cu bo apetit sexual por subi. Sentimento di depresion, confusion, insomnio, ansiedad, tristeza y dificultad pa corda ta un parti di e efectonan secundario.

Uzo frecuente y cu dosis halto por hiba na haya problema cu e curpa no ta regula su temperatura cu por hiba na “hyperthermia” esaki ta encera cu por bay haya problema cu higra, riñon, problemanan cardiovascular, problema cu e metabolismo y te hasta morto. Den e ultimo añanan investigacion haci pa DEA ta bisa cu e droga aki a bira un

mixto di kimiconan toxico traha den laboratorio y no ta puro mas, cu e consecuencia cu bo no ta sigur di kico bo ta uzando y bo ta expone bo curpa na kimiconan cu bo no sa ki efecto secundario e tin pa bo bida y mas ainda si bo ta bay haci combinacion cu otro sorto di droga.

Pa mas informacion yama nos na 583-2999/583-9610 of pasa cerca nos na Campanas-straat 5.

Fuente:
www.HYPERLINK "http://
www.teens.drugabuse.gov/"
www.teens.drugabuse.gov/ of
www.drugabuse.gov
 Drug Enforcement Administration (DEA). □